William Soutar (1898-1943)

1 Ballad

Far in the nicht whan faint the müne My love knock't at the door: He spake nae word as he walkit in, And wi' nae sound stepp't owre.

White was his face in the thin licht, And white his hands and feet: Like snaw, that in itsel is bricht, White was his windin-sheet.

He look't on me wi sichtless e'en, And yet his e'en were kind: And a' the joys that we had taen Thrang'd up into my mind.

And for the whilie he was near, Glimmerin in the gloom, I thocht the hale o' the world was there Sae sma' in a sma' room.

1943

(From *Collected Poems*. Ed. with an Introductory Essay by Hugh MacDirmid. London: Andrew Dakers Limited, 1948)

 $\mathbf{5}$

10

15